



唵風閣全譜 全

此譜僅有板式余向有旁譜他日携歸吳中可細

按錄泰友人王君九兄此書在廠肆購歸知余亦

嗜因割愛見讓焉戊午新秋老瞿漫評





吟風閣譜上卷

新豐店



三登樂天闕巍峨少架海金梁一座閃酸寒何處
奔波待借壺觴澆魂礪有口懸河便踏破瓊瑤上
市樓孤坐

錦纏道你道破窰邊卧袁安空將凍呵看俺滿引
的醉顏醜想漢當日羣方久困干戈單仗着舊從
龍礪山帶河却不道鼎乾坤滲漏還多只聽那猛
士大風歌他全不要詩書王佐任書生禮數多馬

脚下儒冠摧挫，怎教他園綺願來過。
皂羅袍戰罷，立黃水火儘驅除。剗削數子，么麼端
拱瘡痍。問如何，還愁跌却金甌。破凌烟宿將風雲
殿，訶瀛洲學士神仙會。和那裏去別尋事業書生
做。
前腔，可是飛騰無那。任長吟抱膝，命竟如何。幸感
會風雲際，時和豈搜羅。豪俊無堪可，丹青元化河。
清頌歌山龍補袞，賢良諫科。抵多少後功名圖向
麒麟左。

鶯皂袍魍魎喜人過，被挪揄將奈何。嘆詩書不是
居奇貨，享羔羊酒醪。擁妖姬豔歌，熱趕着五陵裘。
馬翩翩過，是新豐雞犬也。欺人坎軻，是長安風雪
也將人折磨。問天公，怎安排這後樂先憂我。

大江西

新水令 江山似此畫圖非，拂雲來片帆天際。俺只
待趁仙風揮羽扇，不爭便訪漁伴。卧蓑衣，月朗漸
星稀。聽何處笛聲起。

折桂令 耀金波似照燃犀，水下魚龍，水面虹霓。分

明見露濕漁磯、烟橫戰壘、風捲靈旗、誰對着雲山、
長嘯漫驚他、鷗鷺羣飛、一掛掛船舫、東西一層層、
烟樹高低白茫茫、人倚窗、屏響滔滔浪、滾沙堤、
雁兒落、帶得勝、令朝隨着估客帆、夜攬着江如佩、
填成了白苧詞、收起了青衫淚、呀、你看那水濶魚、
爭戲、你看那天空也任鳥飛、你看那耕牧蒼烟遍、
你看那一帶雲山紫、邏齊須知俺際昇平、萬里邊、
征易休提、那弔滄桑、千秋往事非、弔滄桑、千秋往、
事非。

收江南呀、這不是京江鎖鑰、警眼便雄奇、更揚州、
燈火歌吹起、畫橋西、只有那龍蟠虎踞、怕不似古、
南畿、看金粉六朝、剩繁華、有幾只、留得一拳采石、
縹緲謫仙衣。

醉扶歸、你看大姑他立處、誰陪從、咱小姑閑影照、
江空端的是無匹、匏瓜常在暮雲中、沒來由、抱將、
頑石爲情種、遙望着、一龕香火最高峯、說甚的塵、
生羅襪、凌波夢。

皂羅袍、驀地裏、青蘋吹動、聽叮噹、遞響環佩、天風、

四風閣詩
一
三
提起輕舟浪花中、個人未醒遊仙夢、岸猿啼過青
山、數峯檣鳥飛去、芳洲數叢步微波、又巧爲着他
時來送、

沽美酒帶太平令、馬當山咫尺迷、馬當山咫尺迷、
雷雨至浪花飛、坐對着小小孤山、眉黛低、謝伊家
姊妹、可方便的送咱過大江西、想當日逢白傅琵琶、
掩泣過周郎檣、艣飛、灰那百尺高、是黃鶴樓、岳
陽樓、都醉了那洞仙飛去、這一片白、是洞庭湖、青
草湖、真見了他龍女傳奇、您呵看一路裏朝暉暮

暉、鎮日間、鶻啼、鳩啼、呀可不道壯遊的心兒裏、直
恁地宦情難已、

尾聲中流鼓棹、誰同濟、蝸角蠅頭、名利却忘了天
塹、風濤路險、夷

行雨

點絳脣、寶劔橫腰、尋師訪道、程途杳、日掛林梢、問
何處停驂好、

混江龍、則聽得一聲呼哨、馬蹄兒冉冉入雲高、真
個的排空馭氣、直上扶搖、黑漫漫、晨星散落金雞

叫明晃晃海霞烘起赤城標、俺待叩天門咫尺、俺
待酬下界哀號、敢是湯火游魂、五百年蒼生厄難、
爲甚驕陽早魃、數千里赤地枯焦、消磨盡開皇富
庶、折罰起大業奢豪、看馬蹄兒騰踏、是匹練光冲
散了黃塵匝地、看旗尖兒招颭、是蚩尤影遮住了
赤日當霄、妙空空一口兒吸盡了銀河天漢、輕裊
裊幾葉兒灑徧了甘露祥飈、那箇是天符使者、那
箇是日值功曹、那個是各山各水各神祇、一齊聽
令、那個是司風司雨司雷電、四面揚鑣散絲絲神

駒尾鬣、點滴滴活柳枝梢、爲甚來緣慳難捨、不由
我手滑難熬、

油葫蘆、大塊無聲本寂寥、你急先鋒衝陣早、不爭
的打從蘋末起蕭騷、便飛砂走石、神靈到更洪鑪、
鼓動陰陽竅、你來自無形去絕踪、慣使驅除能汛
埽、不平鳴助虎空林、嘯催着那垂天大片亂雲飄、
天下樂猛見那一帶連山也、那萬里遙高也麼高、
凸更凹、氣氤氳還把山頭罩、掛龍身拖下梢、運鯤
池、隨上潮、你一層層班布空虛迷晝曉、

哪吒令則盼你密濛濛雨毛徧松梢竹梢潤蘇蘇
土膏浸禾苗麥苗更弄紛紛水妖起江潮海潮洗
乾坤從頭把疹氣消會風雲去底把盆兒傾倒好
助我指揮如意做人豪

鵲踏枝 趁着這電光飛雷火燒則要你照耀人心
顯赫天條黑慘慘鎖住這十方昏暗劈淋淋下穀
了萬頃波濤

寄生草 則見那濃陰散碧落高那一搭歸雲猶露
龍鱗繞那一搭斜陽已映霞光好那一搭遙穹漸
送鴻飛杳原來是神功收斂寂如無便看俺懸厓
撒手回來了

么篇 這不是丹山鳳碧海鼈這是借他樞上追風
驃看齊州九點輕烟罩看天門夜上無人到早則
是蒼龍擺尾入雲深只怕俺大鵬展翅嫌風小
後庭花 是三原年少豪是元龍湖海交俺舅舅親
將孺子教受龍韜只欠的擎天手段因此向龍門
走一遭

六么序 只爲着闖龍宮龍無寶他苦央弟子代其

勞投至得手搭涼篷、往、下、瞧、枯、旱、炎、歎、雲、漢、焦、勞、
草、木、俱、彫、畎、畝、無、苗、其、奈、天、高、罔、聽、哀、號、車、火、延、
燒、盃、水、輕、澆、不、普、恩、膏、怎、救、磬、磬、因、此、上、甘、心、矯、
制、罰、天、曹、幾、乎、把、那、淨、餅、兒、傾、倒、

八聲甘州、你、會、風、雲、快、哉、倒、做、成、一、段、陷、溺、奇、災、
看、田、廬、漂、敗、抵、多、少、瓠、子、隄、開、你、爲、蒼、生、反、把、蒼、
生、來、害、怕、不、似、傳、說、當、年、濟、旱、才、休、猜、難、道、他、兀、
運、當、該、

煞尾、鬼、谷、師、商、山、皓、敢、認、作、冬、烘、頭、腦、他、整、頓、乾、

坤、濟、時、了、比、似、俺、少、年、鹵、莽、徒、勞、氣、冲、霄、手、握、着、
斗、杓、幾、乎、把、四、海、蒼、生、都、誤、了、這、的、是、弄、神、通、小、
巧、怎、的、是、做、英、雄、全、套、且、低、頭、負、笈、受、甄、陶、

黃石婆

風、入、松、慢、劫、灰、樓、炭、戰、塵、多、攪、醒、了、枕、上、南、柯、英、
雄、未、入、神、仙、座、肯、教、人、好、事、多、磨、顛、倒、却、雄、飛、雌、
伏、打、翻、他、地、網、天、羅、

前、腔、空、身、跳、出、虎、狼、窩、四、下、裏、無、限、干、戈、不、堪、措、
手、山、河、破、更、禁、他、追、趕、奔、波、怎、得、雞、鳴、暗、度、且、來、

拔劍高歌

朝元令你看他眉峯眼波豈是凡花朵雲鬟黛螺
 賽得觀音過冠帔芙蓉端詳停妥怎知他年少哥
 哥只怕你志氣消磨男兒壯心將奈何如畫淡粧
 梳人從閨苑過若不是三生業果這就裏敢怕天
 照破怕天照破

前腔愁深恨多巾幗英雄裹雲飄帶拖圖畫神仙
 我黃石丹頭赤松因果你本來面目如何道是奔
 月姮娥烏兒兔兒怎辨訛頃刻散花多真容現普

陀早則是金蓮纖可驀地裏步雲飛過步雲飛過
 前腔則見那長戈短戈幾陣狼威過前訶後訶怕
 向桃源躲海上三峰壺中一顆是童女多年功果
 怎識得亡命奔波是誰家少年公子哥匕首刺荆
 軻還驚博浪訛但憑你包藏有禍須信道大王福
 太大王福太

前腔有恨難摹不隄防處女深閨坐尚寐無訛沒
 攔當脫兔穿雲過看百鍊金剛要十年淬剗直到
 得繞指柔和學步凌波分明妙門多謝婆設法現

身多喬、粒一刹那、你教俺、徽服而過、這樣子、却是
帝師王佐、帝師王佐。

快活山

一枝花、恁天高孤雲、停不飛、道的是留伴清閒我、
浙零零、一宵風露下、亂紛紛、千葉洞庭波、俺待把
舊斧新磨、拾得個乾柴火、一徑裏撥開荆棘科、暢
好是踏空林、啄木驚飛、立峰頂、嘯聲兒入破。

梁州第七喜的那聳晴空、青山不老、平舖地野草
先衰、望不斷、踈林空翠、寒烟外、有的是隨身器械、
趣的是、隨手生涯、儘逍遙、隨天吩咐、任崎嶇、隨地
安排、莫不是、隔重雲、獨斧掄材、莫不是、憇孤亭、聽
鳥忘懷、則這般、莽蕭蕭、一徑樵風、有誰共採、却笑
俺貪多力、小心兒大、又何曾論錢賣、只落得滿担
挑來、唱上街、破笠兒歪。

貨郎兒一轉跳、不出陰陽化、孕數不盡、飛潛蠢鈍、
您知他輪迴六道、是何因、偏我這野頭顱、無業障、
托天地、有人身、免得那戴角披毛、受轉輪、
二轉只見他、悶深闌、執雌持下、儘妙質、脩鞍爲馬、

半路裏知是與誰人做、渾家甘箕帚、還不免要賠茶、幸前生占定了陽爻卦、看鏡裏鬚眉非假、由着俺點勘風前種種花、

三轉您只道一般的是男兒漢、好有幾樁兒瘖聾跛眇、免不得籛條俯仰橐駝腰、恨出胞胎留缺陷、怪懸疣贅更蹊蹶、乍相逢天刑休笑却相憐、人痴怎逃、只怕前生所招、今生肯饒、後生難料、喜得俺全受全歸漢一條、

四轉嘆人生恣意兒把七情斲喪、歷寒暑五行爭蕩、怎能殼兼全福事、百年康身無恙、臨官帝旺、忽生魔障、只要他幾日個吃、不的坐、不的掙、不起那頭兒上、執着藥方、靠着醫王、困懨懨樂事兒都拋漾、到此際、由他貴家王富家郎、慌不覺的怕了、無常任逍遙步、擔肩挑無痛劊、

五轉論樂事、天倫上起算、骨肉團圓者稀、都只為利名心、南北更東西、拚遠別、守孤栖、把鴛鴦拆開、做兩處飛、也有的命犯孤辰、鰥夫寡妻、也有的無奈做僧尼、也有的幼年間孤露、無根蒂、也有的白

髮無兒依倚、這的是窮民無告數、都竒縱然他獨、
樂也、淒其向爹娘、供菽水、呼妻子、共鹽糞、儘年年、
厮守着柴門、少別離。

六轉他好似凜冽冽、魚游鍋釜、慘慄慄、肉臨刀俎、
也只好冤冤、苦苦嗚嗚咽咽、叫無辜、逼得他轉轉、
側側身、無措、陡然間、花花碌碌、風風雨雨、顛顛倒、
倒、忽忽律律、災來也、那運去也、弄得乾乾、癢癢、餓、
殍、同數、對着那惡惡、狠狠的、狠做驚驚、怯怯的、鼠、
怎顧得、恩恩愛愛、疼疼熱熱、膚髮妻孥、除非是悲、

悲憫憫、提提挈挈、佛天超度、就是那福分、天堂不、
及吾。

七轉積世裏、蒼生業重、莽天涯、值兵凶、歲凶、下山、
虎鬪着、混江龍、那時節、殺戮的、洶洶、更誅求的、種、
種有、幾個得、逃生出、網籠、還驚恐、只避秦人、先入、
的、桃源洞、怎知他、凜冽冽的、肉顛心驚、纏怕夢、
八轉俺這苦營生、健勤身手、趁時光、晨昏、卯酉、深、
山無伴、獨相求、正黃花、晚秋、晚秋、路荒蕪、人跡罕、
來、投材、不材、到處、山中有、叫鶴、鷓也、麼哥、跳猿猴、

也麼哥野鹿兒舊遊猛虎揚威一見回頭俺何曾
念咒念咒物我都忘有恁擔憂只怕得一點機心
漏卧林邱也麼哥吼泉流也麼哥吼泉流伐木丁
丁山更幽

九轉只看這爛柯山逕重尋處叫痴兒瞎等則剩
得樵無斧突無秤真個有仙分該呆漢通靈得仙
氣該枯木重榮却怎生把千年換將來俄頃把樵
子兒似夢魂厮迸把斧柯兒與劫灰俱冷這不像
海月空撈影俺只是舊生涯耕田鑿井蠢頭顱穿

雲驀嶺挑一擔風月輕清也不見挪揄山鬼路逢
迎也不會見禹王的神鼎但守着草鞋幾兩凡夫
命一般的巢許無名姓您看俺野花斜插髻邊橫
朝朝的白木長櫬三尺柄

尾聲俺不過閑人自把閑情耐你也不要五十功
名心便灰須知道是天工早已安排待您寬懷也
該您操勞也該俺與你一斧頭劈破了愁城觀自
在

錢神廟

點絳脣、漉酒巾歪、竹風搖擺。休驚駭。醉眼看差，跼入紅塵界。

混江龍則爲你和而不介。熱烘烘不分清濁。廣招徠哄的人香添燭換。酒去牲來。你簿兒上算定了。子母權衡誰聚散。你手兒裏把住了乾坤寶藏。自關開爲甚缺了你聖賢無乃端的仗着你豪傑方纔。那裏哭哀哀破慳囊。一文得濟。這裏笑吟吟看薄面萬事俱諧。要擔承只去懷兒裏將他揣。沒關節。只要縫兒裏把他摠。打透了天羅地網。買通得

鬼使神差。腰纏萬貫的交遊。廣裘馬千金的意氣。開似活潑潑魚游水面。都喜孜孜蜂上花腮。雖是我。不貪夜識金銀氣。却虧你有用深藏府庫財。休輕怠躬身下拜。笑口相陪。

油葫蘆。你是那怨府愁城實可哀。休喝采腥羶招惹盜心來。若不是針頭削鐵將身憊。只怕你刀頭。餽蜜將人害。想多藏他是禍胎。拚亂揮他如土塊。又無奈空囊羞澀清高在。偏死了幾多豪傑雋賢才。

天下樂說不盡市道紛爭也那爲你開盡安排圈套來則見你換人心都變成虎與豺爲刀錐把道義衰競錙銖將骨肉猜更有甚恩仇深似海

哪吒令爲甚的賢似顏回教他操瓢似丐爲甚的廉似原思教他捉衿沒帶爲甚的節似黔婁教他嗟來受餒你把普天下怯書生窮措大一個個都卧雪空齋

鵲踏枝偏是那市兒胎鄙夫才一任將寶藏龍宮添得他錦上花開更偏撥出貧人的賣兒錢債輪

與那權門內去供他酒肉池臺

寄生草俺側楞楞扶瘦骨孤另另挺窮骸有時節悲來淚向窮途灑有時節興來嘯向蘇門外有時節醉來不覺乾坤隘儘着你粧喬做勢弄神通偏是我名高不用你金錢買

六么序你休佯不採果打孩聽着我鳴鼓攻來這不是金粟蓮臺法供清齋聚寶門開擠擠挨挨都不過鼻尖頭嗅着銅臭而來你故意兒半空中築住了金銀寨反教人費紙陌錢財亂攘攘彊吞弱

肉無拘碍、翻道顏淵、沒福盜跖、多才

么篇你看、買買前來、並無幾樣、人材營運、當該筋、骨磨措、少米無柴、潤筆書齋、餽送盈堦、他更巧文、法賣摸金、無賴威名、債帥神仙、黃白逢人、喜捨還、酒肉之債、那個活觀、音離得了、善財你把、蠢金錢、休亂篩上、至公台下、至輿臺、普人間一語、兼該七、盜八娼、并九儒、十丐都總來、熱趕生涯、只為你弄、虛頭聚散、無常態、我要把銅山、踢倒金穴、填埋、耍孩兒、救貧我亦無、奇計、拚兩庫、黃花裊蹠、為憐

君無命數、兒奇商量、頗費權宜、從今後你、牀前阿、堵層層、遮你頭上、青蚨片片、飛休忘記、送窮文巧、致富書奇

三煞間陰陽、理不齊、論公私、義不欺、布金那有、閑、田地、不是我天生、富貴難消受、反着你鬼、瞰高明、惹是非、休相戲、金珠糞土、軒冕塵泥

二煞值奇窮、命不移、守清貧、道在茲、乍相逢、休怪、前言戲、你既是、明知得、馬非為福、我不過、聊試揮、鋤可拾遺、從今起、翻嫌我、簿書猥、瑣帶水拖泥

一煞冷清清、草生金谷、蹊熱騰騰、火燃鄒塢、臍看
盈虛消息、旁州例、我這裏早知自命無承望、你那
裏空守他財、不自肥、今日箇我非無禮、只爲問天
不語、借你爲題、

煞尾、夢耶非醉耶、非我白眼圓睜、青眼兒迷却、看
污了咱衫和履、悔在那搖錢樹邊倚、

晉陽城

謁金門、關塞迴、城上暮笳吹動、霜髯不堪秋意、冗
又逢時、倥傯家國、何人斷送、草滿洛陽、邱隴、孟母
斷機、還自痛、教兒忠孝重、

忒忒、令他聽、鳴鷄悲歌、五夜中、他哭登壇、義動并
州、衆因此上、孤軍特起、要蠟丸、遙送、只看這遍方
州、擁強兵、觀成敗、誰肯効忠勇、
前腔、卧銅駝、在荆棘中、慄生靈、亂離悲痛、他一腔
熱血、感的三軍動、偏是你國士一人、知會騰那能
脫卸、枉談了忠勇、

沉醉東風、矢生平、常笑人、妄庸、敢見義、不爲無勇、
非是我逆劉公、怕此去、山水千重、須顧不得你暮、

年衰冗辭親目中思親夢中更那一派兵戈塞上傳烽

前腔你長男行慷慨從我他幼子好晨昏陪奉不
是我忒龍鐘苦將你攔縱須信道顯揚為重去兒
懷中思兒夢中更那一派兵戈塞上傳烽

臘梅花從來此別是亂離多更才高惹得愁來太
仗劍去休慢俄急如星火幾聲喇叭叫天鷲

園林好你軍門豈少皇華選用我家門誰把萱親
敬供怎不顧人私情千種埋怨煞老司空埋怨煞

老元戎

前腔他盼君門做包胥大功我立軍門慕魯連義
風只可奈有身難動怎拆得弟和兄怎拆得弟和
兄

江兒水則你參帷幕有恁功緣何被那人知重是
汗血名駒濟得非常用就有死生緩急堪相共誰
知道戀棧駑駘惶恐着甚牢籠教你進退躊躇煩
冗

前腔恐不遑將母難言義與忠更看來世事多洵

洵這的是失火城門、有將來恐處堂燕雀、還做平
時夢、只怕馬腹鞭長、何用着甚牢籠、教我進退躊
躇煩冗、

五供養犯原不是山河鐵桶事、去中原人在江東、
但愁邊鄙聳昧、却去朝宗、你有奇才也落空、待何
時做大厦將傾棟、要遂男兒願、休怕犯兵衝、割愛
分離肝腸忍痛、

前腔非兒啣嚙、早晚難知、別後音容、盼兒兒不到、
應悔別匆匆、這遠行人難定踪、渺模糊、急切無家、

鄉夢惟將兩行淚、遙把一書封、烽火連天、割慈忍
痛、

前腔娘言教忠、南北東西、惟命應從、男兒生有願、
怎怕犯兵衝、奈桑榆暮景中、又非關負米為親奔、
送養子難防老、有母自尸、饗烽火連天、割慈忍痛、
王交枝別離情重、念烏私天性所同、誰知借作偷
安用、一箇箇臨難無勇、逢國慶、叨榮受封、際時危、
辭難推冗、又何人忘家、効忠更無人忘家、効忠、
前腔娘言危竦、倚門闔非不望、願一朝國難無人

共便歸來有何用、休教你情牽意慵、不如殘喘先
拋送、有何人忘家効忠、看何人忘家効忠、

川撥棹、分離痛、這其間愁萬種、看征衣娘手親縫、

看征衣娘手親縫、把娘衣拋兒淚紅、要流連情已
窮、任低個言未終、

前腔、我的丁寧意已窮、你聽娘言從不從、非是你
孝養無終、非是你孝養無終、是我把佳兒颺遠空、
甚來由多唧噥、更牽衣不放鬆、

餘文、慈懷不是無哀痛、只教我扶傾作棟、再不回
頭長驅到海東、

尾犯、秋草遍山長、人去離亭鞭聲响亮、只慮桑榆

不堪回望、你今日爲兄祖帳、我何日爲親捧觴、相
看處頻揩淚眼、濕遍征衫上、

尾犯序、風急雁無行、忽地牽衣、添上恹惶、怕藕斷

絲連、越顯得衰年掛腸癡、想剪得斷機絲、萬縷剪
不斷、恩慈萬丈、願你歸來後、在慈親手裏、重綴舊
征裳、

前腔換頭二、我何須衣錦、却還鄉、只要舊日萊衣

舞綵無恙割愛分情判將來兩廂惆悵忍決裂在
慈親眼底留缺陷寄遊人身上重提起一絲一縷
誰補舊痕傷

前腔換頭三你隨行少紀綱萬里長征自慎風霜
想兵火連天紛擾豺狼孤往只盼你平安兩字少
慰得門閭倚望娘年老你但完使命早早辦歸航
前腔換頭四你童心容易放更形單影隻無人依
傍憐你獨掩柴門代吾侍奉高堂堪愴念別後衰
遲未保問定省晨昏誰仗登高處關山夢遶何處

白雲長

鷓鴣天仗劍辭家直恁忙大江東去路途長鶴鴿
原上頻回首鴻雁風中忽斷行心耿耿淚汪汪小
人有母不遑將征袍帶得殘針線獨自驅車下大
行

邯鄲郡

一枝花鑄成金錯刀錯剪了天衣縫煉成千片石
費盡補天工補不滿離恨天中今日裏活埋人並
不是鴛鴦塚任臨粧首似蓬誰適爲容一霎裏繁

華破夢

玉交枝把懷中雛鳳、恁看承珠含玉、弄更自承一、
顧君恩重、護花欄檻、重重歌臺上、人倚仙乎舞袖、
風端的合、葢珠宮裏、關關諷、領羣仙珠圍翠擁、怎
菱鏡碎、銀瓶忽凍、

烏夜啼正團圓、一輪湧出流銀汞、滿前川、別浦遙
空、可惜俺、連城白壁、輕拋送、少甚麼、樓閣重重、少
甚麼、歌管溶溶、翻羨你、姮娥、寡在天宮、恁孤眠、
不教人、驚動、月色高、花陰重、怎禁得、天寒袖薄、漏

滴壺銅

清江引你到王宮、一段真容貌、只須自、抱衾裯、好
若撒嬌癡、倚籠高、怕盼珍珠、慰寂寥、好教我、老夫
妻從此、沾光不了、

前腔恁寬慈、合得君王笑、階前先進、宜男草、看你
效鸞凰、第一宵、卜你產麒麟、第一爻、繞庭前、端的
把趙江山、都占了、

鷓鴣兒則聽得、譙樓之上、響汪汪、五更鐘動、則見
那屋梁、月落、冷清清、射入寒窗、紙縫直、恁淒涼、一

覺空這須與夢倒筭了。今生裏花開一紅惹起了。
舊恨千端新愁萬種。

隔尾隨煞。可堪薄命人嘲弄。嬌滴滴好花枝偏不
向佛前供。是真是夢。趁今宵剩把銀缸照孤炯。猶
恐相逢。搵不住淚兒泉湧。淮安排慧業他生用。則
那觀音柳一枝活動。待倒却淨瓶空。把舊根苗再
從天上種。

賀蘭山

集賢賓。莽河流奔騰東到海。一去不回來。恁高堂

明鏡華髮相催。猛擡頭醉眼睜開。問天天生我何
爲。太古里江山非改。歎寂寞昔賢安在。俺只有波
瀾千首。濶恁好似芳醪一樽開。

逍遙樂。你見我飛揚跋扈。痛飲狂歌。目空一代。怎
知我惜惺惺。不是猛見胡猜。這是個架海金鰲。困
曝鰓。則怪那醉天公。恁地安排。今日個是滕公相
遇。蕭相相逢。國士相哀。

上京馬。俺只見長身突兀出羣材。聽洪鐘響應雲
霄外。更怪他命到臨危。氣不衰。似平常生死忘懷。

真有個浩然正氣貫將來

梧葉兒假若是亂叢叢逢多壘赤淋淋禦虎豺凜
慄慄寄命托孤孩要個擎天柱搖他也不歪磨他
也不衰這其間須靠不得吾儕爾儕

醋葫蘆我要將白眼青怎奈他下風無可拜因此
上十年空坐釣魚臺怎知道國士無雙來意外休
教伍噲洗風塵一見也開懷

金菊花則見你穰苴號令恁般風雷羊祜風流却
登時網開盃酒間撒手兒毫不猜端的是福將仁

臺又不道良臣爲國惜人才

柳葉兒歎屋上瞻烏誰在笑堂間處燕無猜眼見
得銅駝荆棘時將改則那將傾厦沒個不凡材怎
救得漏乾坤東倒西歪

么篇這愁擔有人交代幸微臣少効涓埃雖則是
江湖落魄無拘碍憂時事感興衰待看他萬牛回
首壓三台

浪來裏俺不是記生平曾半面也不是水萍逢聊
救排你知道天生豪傑爲誰來有兵戈怕的沒真

元帥憂時淚灑、知心話、記取在萬山、

么篇你鬧攘攘、當國難、顛巍巍、上將臺、少不得山、

河指顧、感興衰、須憶得、繫腰間、還是那天寶、君王

帶、這便算、繞朝鞭策、休小讓、要聽你大安排、

隨調煞、醉醜醜、一日那憂千載、只爲着舉朝都泄、

泄、愚慮過、鯁鯁、但整頓乾坤、有人在、俺本是閑雲

野鶴、便省可的、海天長、嘯出塵來、

朱衣神

點絳唇、桂殿秋香、瓊樓夜做、絲綸掌、華髮蒼蒼、慧

業在人天上、

清江引、打盹、不、改冬、烘樣、更年、年、只務名、標榜、

念詩書、口裏香、幹功名、脚下忙、豈如他、實丕丕、打

在心田上、

前腔、論才華、頃刻、青雲上、奈他巧、處將心、喪舌、尖

兒、太長、筆、尖兒、太強、折、罰、盡美、前程、還勾、不了、帳、

前腔、鬼胡行、尙切、兒、孫、想、也是他、做馬、爲牛、張、誤

家庭、沒義方、措家私、是智囊、險巴巴、把太歲、頭兒

撞的響、

風入松敢教關節去、夤緣到包老閻羅殿前。你進身初、便講功名、騙向鑽穴、踰牆廝見。還說恁求才薦賢、俺懸秦鏡、對着湛青天。

風入松說不盡孤寒寸進、似梯天。剛巴到三年、利見、只憑他走馬看花眼。把一路芳蘭作踐、歎一領青衫九泉。這冤苦、怎生言。

急三鎗可不是、螢窻下磨穿了生鐵硯。無人問、十餘年今日、個出離了。破窰裏、纔轉眼、怎得魚的便忘筌。

風入松想魯論半部、大勲賢。豈少當年文獻、奈老成凋謝、人情淺。有誰肯獎借成全、怕辜負了賈生高見。空流涕、數千言。

急三鎗單則把滿園的桃和李、都種向自門前。却忘了費朝家、養賢典、俺這瓣香心、只有天知鑒。

風入松那文光起處、電飛天。直冲到牛斗中間、驚他駕祥雲、走下靈霄殿。須不是神頭鬼面、是文場內有個大英賢、離明象、漏出紫微天。

夜香臺

鵲橋仙香凝燕寢月明如晝底事眉頭暗皺三槐
庭院帶秋霜問何計堪娛衰朽

解三醒歎臯陶尙然絕後把刀筆彈指生秋你就
平心惟恐冤盆覆怎禁那三木下細推求假饒他
人心似鐵鎔難化可不道官法如爐鬼見愁休誇
口片言折獄一字春秋

前腔你散衙餘高堂將進酒怎不想一室歡娛百
室愁誰沒有娘親倚定門兒守無投透淚橫流你
這裏妻孥笑語相酬勸他那裏敢哭倒長城恨未

休難消受天堂僭福地獄分愁

太師引你道護良苗先要除稂莠險些兒去莠傷
苗事過頭但快你鋤奸辣手一口氣疾惡如讐還
只恨吞舟疎漏想下馬來怎樣威風馳驟休回首
人驚鬼愁只怕你美甘棠底血橫流

前腔這因由誰分割歎危機無知誤投他密層層
羅網都張就併微命似黃雀啾啾不是一封朝奏
那九重天怎解得冤雲覆瞻前後敢千人命休有
聖明垂照極深幽

發倉

新水令暮雲天際驛垣高倚危欄使星不到我只
見紅塵迷候騎因此上綵袖點吟毫對景蕭條圖
畫出流民稿

步步嬌只見粉壁塗鴉把我題詩誚是你分明道
枉向這河南走一遭只爲咱繡斧經臨路途騷擾
是何物女嬌娃也充做鄉三老
折桂令念河東土沃民饒物盛災生偶爾延燒却
不道比似河南頻年無麥又無苗看一望流離載

道哀鴻無處不嗷嗷却那邊廂一炬憐焦惠及蓬
茅這壁廂萬口空號直恁地隔斷雲霄

江兒水看滿日蜚鴻起愁雲壓虎牢果然四野無
青草那官家閑鎖着敖倉耗這生靈險做了溝渠
料兀自把豐登入告我將你壁上簪花一字字要
碧紗籠罩

得勝令亂慌慌焚溺在崇朝喘歔歔頃刻也難熬
豈不聞救倒懸須是早那些個等需雲濟旱苗待
來朝受風吹便見千人倒趁今朝妙手憑君一着

敲妙手憑君一着敲

園林好我今來河南一遭原是往河東一道要救
這瘵窮無告怎不奏九重霄怎不奏九重霄
收江南呀你名爲正直立當朝恁擔承不做的一
時豪現放着敖倉千萬在成臯咱要你做一个擔兒
挑咱要你做一个擔兒挑你代天行道可辭勞
川撥棹非推調便從權須矯詔去打開常社倉廩
去打開常社倉廩但將他饑人救療任天威何敢
逃爲蒼生拚這遭

收尾深閨敢露如簧笑只爲着計阻星軺挑動的
書生迂濶代人勞怎知俺暗度金針箇中巧

魯連臺

新水令六王未畢戰場災去扶桑挂弓而待看長
鯨翻白浪迎日出海門開少不得弱水蓬萊別有
人兒在

沉醉東風有甚的功勞簿載又非關白屋卿材只
看他浪乘軒人人愛却不道牢籠任抵死塵埃俺
本是一鶴輕身過海來怎閣得腰懸斗太

喬牌兒你賢名馳四海下士能傾蓋買絲綉爾形
模在却道俺今朝爲甚來

七弟兄脚踏着草鞋布鞋短衣孤劍青門外只要
的識塗老馬到天涯早讓他名駒汗血功名大

梅花酒俺則見驟馬來蹀躞塵埃道路疑猜敢十

二金牌忙不迭繞朝鞭趕的來躲不迭范蠡舟漾
的開暫登臨便感懷這是夕烽不接幽燕塞那是
南風不競荆湘界望行山氣沉埋臨鞏洛歎周衰
俺這裏表東方幸不相接他那裏霸西戎似虎如

豺陳寶鷄叫的乖雒陽鶯扇的歪俺展不出聊城
下射書才枉說我紛能解難能排天下事壞吾儕
收江南呀滿天風色下高臺端的是安危須仗出
羣材怎禁得下天魔殺戒一齊開要熬幾遍英雄
成敗俺只得寫伯牙琴去海上忘懷

收尾寄語安期稍遲待看九點齊州煙靄早則是
日觀鷄鳴佳氣蓬萊是誰個寶馬橫秋金梁跨海
且輪着指把江山一字兒排開待俺立雲端看的
他廝殺在

荷花蕩

掛真兒、跌足蓬頭灶下養。干戈裏、負襁逃亡。無計藏孤、將身捨命、顛倒死生情況。

二犯五更轉、把藐孤、擎掌千觔擔。兒誰共將、早覆巢破卵、無承望。拚我身孤膽壯、到底奴婢行他臨危。四顧把咱來相仗、只指望長坂橋頭、保得他孤兒無恙。抵多少女趙雲、充家將、可堪兩下難相傍。知他泣卧蓑衣、早晚怎生懸望。沒計較、計較難安放。

前腔、一霎時、命喪情魂兒已飛。江外江波翻血濺、隨飄蕩、苦我胸懷。背負死也、只一旁、似鷺鷥兒帶箭立寒塘上。慘離襪、血灑衣毛、啼不出將雛哀愴。思量起、這災危、真無妄。縱殘生未向江、魚葬早則是多少。荷花蓋不住他孤根、搖蕩指淚眼、空把蒼天望。

卜筮子、仗義肯扶危。貴賤何須辨、一點愚忠自不知。幸有神明鑒。

二犯五更轉、痛定難回想。今朝到來都、備嘗箇中。

敢望神明相只爲言猶在耳我只心自將在當初
受托知難量早拚着險阻艱難死生孤往天憐念
保得他人無恙料他夫婦應無悵幸得手抱遺孤
交還主上吾事畢要回話黃泉壤

好姐姐念奴千辛萬苦要挨到金陵無路賴雷老
指迷苦中相救度真淒楚剩的病身難移步且換
衣救向帝都

前腔撫孤依然睡寤在襁褓寧知痛苦只他日長
成可知誰恃怙真淒楚剩的病身難移步且換衣

救向帝都

吟風閣譜 下卷

二郎神

菊花新麒麟汗出血流紅天產奇男纘禹功本色
是英雄只看俺幼年行動

馱環着看風吹草動看風吹草動飛走潛蹤調虎
離山呼猿出洞鷹犬一時齊縱把四面江山只佈
個小圍場周遭收攏偏接得禽堆邱壘歡笑煞鼎
烹龍鳳流星彈寶雕弓雨血風毛地搖山動
前腔靠江山點衆靠江山點衆斜倚雕弓鐵綽銅

琵琶醉歌齊動藉草分甘受用與衆言歡休道俺小
喬才不知尊重傳嘆語髻丫雙擁齊喝采繡鞍回
鞚前村笛牧牛童年少偷閑一般兒喧闐
添字紅繡鞋偷將閒空從容從容馳驅較獵正稱
雄稱雄聞報道信多凶激得我怒忡忡趁今朝威
風威風快去戰羣龍快去戰羣龍
尾聲那用重添人馬衆何物鱗而一水蟲禁得俺
伏虎降龍天將種
端正好閃江天迷昏曉陰風起平地波濤是甚麼

常鱗凡介都來到則索的把冤仇報

滾繡毬只見那閃屍屍雷電交半空中張牙露爪
他害生靈須不是兩遍三遭又聽得怒騰騰風雨
號俺這裏搖旗放砲潑泥鯁只欠他萬剛千刀可
怪那風雷丁甲無分曉反助着他下劣修羅氣勢
高困住賢豪

小梁州俺則爲血戰元黃氣不銷刺斜裏手起丸
拋滴溜溜正中他眼兒胞飛不了血淚染碧鮫綃
么篇怕龍生九種都來到這其間點額而逃角木

蛟空中弔便一天風雨飛不起那尾兒稍

白鶴子有原拴的金鎖固有永鎮的石犀高但還

劣性再蹊蹶便灌的他鐵汁銅漿兒飽

快活三休教作的堰兒高壅灘沙堦底要深淘把

源頭活水散千條遍西川看美滿知多少

耍孩兒看夏王鼎上支祁號鐵樹花開還早把三

山移過壓金鰲這功勳玉壘齊高俺自有劍分水

畫留千古你休把鐵作沙平動一毫俺威靈到只

教他千秋萬載平長平消

尾聲俺只把禹王功開修好但施為敢覷俺兒曹

笏諫

小占巍巍有誓水穹碑倚天表

糖多令家世大唐朝衣冠甲第高秉忠良繩武非

遙圖畫凌烟遺像暗誰補綴袞龍袍

滿庭芳位極人臣名高天下孤忠頻蹈危機忘身

憂國毫髮肯留遺誰料浮沉晚節到如今進退皆

非瞞天地聖朝無闕自覺諫書稀
前腔換頭勲高非郭李謬承隆遇功紀淮西幸愚

孝愚忠都有天知，所願丹忱勵匪。奈侵尋衰病難支，餘生在乞身綠野，歌咏太平時。

前腔換頭：忠良無與比，補天浴日力贊危微。把草昧乾坤，磐石成基，看取貞觀政要論功勞。良相如醫無他技，十思十漸，所志格君非。

前腔換頭：良言偏逆耳，老成人去誰與鱗批對刺。水殘山誰問瘡痍，只顧稱功頌美。一般般全是虛脾圖恩遇，天顏有喜，那管是和非。

甘州歌皇圖八表正金甌，無闕玉燭長調邊烽罷。警纔免四方征調，怪無端不辭征戰，苦自將臨邊走。這遭兵端起，四海搖可憐，箝口衆臣僚，回天力苦打熬，獨將手版插雲霄。

前腔換頭：擎天一柱，牢幸太平刑措，安危難保。修文偃武，那更跨海征遼，忠言苦口，不憚勞，只見鵠立通明，連諫草朝衣卸，象簡拋，竟留缺陷在螭坳。收藏處遺像好，宗臣冠劍肅清高。

前腔換頭：亡隋鑿豈遙道，傷痍纔起，復番征討，轉輸千里，不顧萬姓疲勞。由來常勝兵，易驕怕賈勇。

將他輕看了、箴規切忌諱、遭向來恩禮、一時拋身、
雖沒恨未消、墓門拽倒一長條、

前腔換頭東征萬里遙、果損將威重、遲遲歸到那、
時追悔方嘆忠諫人、遙凌烟勳舊都、漸消歎、笏在
人亡天不弔、休回首、魂暗消、一杯茶酒墓前澆、今
何幸得再遭、錦囊塵暗聖明瞧、

尾聲但從今、交修好風雲長在故家喬、可不道拜、
手明良舜繼堯、

醜瞽

普天樂論婚姻何曾誤、相女兒方配夫、奈嬌娃殘、
廢中途好姻緣已成、辜負怎教你娶個盲新婦、教
人到此難迴護、更賢郎年少亨塗、請另擇對門當、
戶須怪不得一朝發迹、人心非古、

雁過聲悲呼娘親早故、無明夜心傷、淚枯更前親、
後母其間故、就有千般愁、萬般楚端的、向誰行訴、
枉鴛鴦繡譜可憐、更是瞎兒無淚、苦只怨他那生、
的命兒孤、

雁過沙我一身兒、要人扶待如何事、舅姑怎操井、

白親家務忍教人爲我相擔誤怎教人不相憎惡
更是他青春年少得意皇都

傾盃序當初想人家女配夫嫁雞不道從雞誤只
爲前世前生注定姻盟一絲定了豈容輕負假若
是過到吾門漸生災苦就是百病千痛可說他不
是吾家結髮婦

玉芙蓉這盲人何罪辜喪娘親又拆夫你教他一
世倩誰看顧無非料量我心兒不固情知缺陷由
天數旁人覩也應憐其苦怎親夫反拚的將他來

厭惡

芙蓉樂盟緣非自圖父言在當初敢說孩兒大了
不由得父他傷身痛母那般孺慕料移來婦道無
驕妬少甚麼賽羅敷明眸皓齒不賢的婦

小桃紅慮將來非盡無好兒郎義可沾奈下梢到
底成辜負我看接木移花縱好非連理若還悔却
塗鴛譜甘怨曠兩下裏成孤

玉抱肚文昌座下偏擺着天聾地啞儘教人去賣
盡聰明聰明悞不如瘖啞人間萬事到頭來巧處

差你看天道還親盛德家
前腔帽壓宮花昨日今朝魚龍變化他只安心賣
盡痴呆看何曾久居人下人間萬事到頭來巧處
差你看天道還親盛德家

露筋

梁州令一片江湖白鳥秋正暑雨初收奈意慌偏
覺步遲留逢人難借問趨一段夕陽愁

雁魚錦何尤是奴耽母憂却匆忙不暇思前後如
今便相携那邊走累你共崎嶇雨踏躑更無人野
岸橫舟三義古渡頭拚着我今霄露處甘生受只
看那暮鴉兒揀甚枝頭宿

二犯漁家傲停留莫漫奔投論田家閨闈還須有
艱難共守也須防薄倖相遭偶甚來由思親淚收
甚來由防身要週甚來由念衾裯今夜休縱然委
骨荒邱斷然不奪人保俦那一頭只怕你船到江
心難補漏這一頭就是咱死守孤城一敵樓

二犯傾盃序凝眸一片蘆洲望不見白雲親舍誰
相救恨嫂無情敢行多露拋奴獨自淚漬衣構知

他好否、縱然無恙、到底是非難剖、咱非是千金深、
屋藏嬌女也、強如冒耻、褰裳過別舟、

喜漁燈、犯如雷、聚響亂遮星、宿忙禁架、輕紈扇落、
早力怯、纖手謝流螢、暗飛好似分光照、奴雙鬢幽、
這不是捨身施物、前生債受多少、神針法灸、端的
至死方休、情知是狂蜂浪蝶、聞香採、誰教你白璧
明珠向暗投、

錦纏道、犯謾回首、病娘親、魂飛淚流、正割股、未能
酬反、普同供、養蚊蚋、啾啾臭皮囊、與君甚仇、小靈
臺自來無垢、勞斷送費、綢繆、正是路逢險處、難廻
避、事到頭來、不自由、

生查子、海上顯威靈、天一羣神首、普渡世間人、伸
出拏雲手、

香柳娘、爲娘親病起、爲娘親病起、踉蹌急走、奈荒
郊曠野、時將西、聚蚊聲似雷、聚蚊聲似雷、姑嫂各
薰蕕、獨自填仇口、碎紅顏、膚腠碎紅顏、膚腠似針、
芒箭頭、文身刺繡、

前腔、似金蟬脫殼、似金蟬脫殼、形骸何有、只本來

真性無消朽，想萱帷惘然。傍雲幃儼然，不是粉骷。體塵凡自叅透，謝尊神見收。謝尊神見收，芳魂再修。永酬高厚。

單調風雲會，最難留。人到三義口，看失足般般有。啖貪安，一旦休。那堪回首，匪石堅貞，魔障原難受。好顯得香名千載流，無限芳菲杜若洲。

掛劍

鵲橋仙 遨遊天下，一鞭回鞚，裘馬翩翩簇擁。侯王脫屣，剩閑身只四海交游，情重。

甘州歌 離愁散冗，喜過江開，拓萬古心胸。黃河如帶，早見岱宗遙聳。西登太行雲盡白，却接泱泱齊大風。長思想到洛中，中原文獻不應空。周流去任轉蓬，幾多國士笑相逢。

前腔換頭 東吳舊附庸，便縱然蕞爾襟帶齊宋，只愛他箇人如玉，情懷上霽。月光風彈琴自賞，誰和汝看劍論交。若個同前宵，夢客館中，今朝歸騎莫匆匆。班荆去，快寫胸臆，只愁燭跋話難窮。太師引我遍天涯，幾個知心共到中原。慕想賢豪。

只數公、可是那善交平仲古遺愛、苧編相逢見蘧、
向也高懷殊眾、是吾儕特地相知重、遙傾聳逢人、
要識公、怎知道墓門華表泣西風、

前腔把你化青蛇、遙向黃泉送道延陵思君帶鬆、
特解贈慰君珍重、好教你魂魄俱雄、斬斷人間噩、
夢我待留一映、怕四圍山悲風、淒動相承奉似扶、
桑掛弓、敢則待氣冲牛斗會天宮、

三學士千里魂飛來入夢、怪他慘淡音容、怎知他、
死別吞聲去、有身後蒼茫付阿儂、只怕的死生人、

事改見孤危的鮮効忠、

前腔高塚麒麟碑一統、叩荒原涕泗無從、俺生芻、

尙想人如玉、你寶劍長埋氣似虹、怕到此白楊重、

繫馬對青山、更痛不窮、

尾聲歸騎無端來上塚、傷心處雁叫長空、早回首、

松楸暮靄重、

却金

喜遷鶯榮叨師表、看政在詩書、學在條教、攬轡清、
風隨車甘雨、免他供頓徒勞、千里海東風化雨、字

關西節操清白在待褰帷露冕正詔羣寮

雁魚錦相遭那得將氣消便登時奏劾忙起草怕
我下馬兒威風少明放着湛青天恁般高你不投
明却向暗中拋將人瞞得牢只怕瞞不過有眼皇
天照那裏有二天天教你私依靠

二犯漁家傲高高書日當霄那九重天子便真個
如蒼昊欺他可好你舉頭時敢咫尺天知道地知
饒他立不牢你知饒他心自搖我知饒我粧喬四
不饒瞞心處笑你徒勞相知如今是兩遭那一遭

道你是不負舉的茂才真異等這一遭方信你是
不惜財的分贓好縣僚

二犯傾盃序何消惠贈分毫你想我二千石吏寧
難飽况我單車載着布被將儉爲廉猶愧恩叨算
若干爾俸幾多爾祿穀得罄囊討好料無非膏脂
剝削層層擾好待半去肥家半奉高

喜漁燈老夫耄矣濫爲師表承君命除殘去穢須
有個分曉更朦朧到來教我包苴汚身先自招只
恐自心不淨人難問既同道怎相檢較敢做執法

蕭曹今日裏是偶垂芳、餌魚貪釣、他日裏便任意、
閑眠鼠共貓。

錦纏道犯休草草、幸寬洪人非斗筭、市道既非交、
我何難寫着白簡、申朝只怕他身敗名消、須識我、
用心公道、只待你變前操、莫要乞憐、暮夜愁人見、
又去將人白日驕。

下江南

梁州令車書混一帝王州、殺運將收鍾山餘孽、尙
魂遊孤城如破竹、一鼓下且遲留。

金蕉葉洪猷壯猷更寶劍上方親授、閱森嚴萬竈
貔貅怕犯了猛將軍的營邊細柳。

梁州令鷹揚親奉廟謨、猶笑看吳鈞代天行道、代
君憂赫然兵似火行弔伐敢虔劉。

梁州序犯天威遐布衆賢畢湊、多少健兒身手、一
身卧護敢稱多病留侯、喜兵行風草人望雲霓、四
面都後后金陵王氣也、黯然收怕不是一片降旗、
出石頭人千萬懸吾手、崑岡火燄誰相救、那玉石
難分割。

前腔皇仁兼覆兵殘致寇激變西川非久况金陵
何罪癡兒磕睡勦勦你看山川圖畫人物衣冠生
聚年時久忍下得咸陽一炬裏變焦邱猿鶴沙蟲
滿地愁人千萬懸吾手崑岡火燄誰相救那玉石
難分割

前腔覆巢時完卵難求破竹處還須留手歎欃槍
迅掃似摧枯朽把龍盤虎踞幾番兵燹金粉消何
有更摸金校尉去遍墟坵可也庾信悲哀淚更流
人千萬懸吾手崑岡火燄誰相救那玉石難分割

前腔竟長空旗捲蚩尤待勝殘角端仁獸體好生
天意吾皇恩厚只怕兵貪將忿暴還易暴負却來
蘓候是關身疾痛也與君謀你可也悲憫同心我
自瘳人千萬懸吾手崑岡火燄誰相救那玉石難
分割

節節高神明在上頭告君侯焚香共此澆天酒他
因猶鬪非有仇情堪宥少不得若崩厥角咸稽首
若一人妄殺天不祐時雨行天帝王師春風滿馬
聽金奏

前腔你看功封萬里侯、沒來由、將家三世多殃咎、
願膚功奏鋒刃收、殘黎救、一時挺鹿無驚走、便普
天共此登仁壽、時雨行、天帝王師、春風滿馬聽金
奏、
尾聲笑維摩、示疾原無有、爲蒼生請命告君侯、俺
還要盡洗兵戈天漢流、

藍關

點絳唇福分難消、蓬萊靜悄、乾坤老、輪與兒曹、一
點先天妙、

混江龍單則是上方重眺、幾曾百里辨秋毫、只見
那遍地裏紅塵滾滾、普天下黑霧滔滔、則幾個忠
臣孝子、義烈人豪、赤淋淋、天真感激、顛巍巍、至性
堅牢、他一道罡風迎浩氣、直冲黑霧貫丹霄、莫說
那邪魔煞黨、辟易奔逃、就是些星官天將、敢毛骨
森蕭、則俺八洞高真、厮遇處、也要一邊拱立、讓他
遭忠和孝、這是天上人間、齊印可、萬空充塞、起心
苗、

點絳唇枯木寒鴉、愁雲一帶空圍繞、潮陽望杳、冰

雪關山道回首觚稜一夢今方覺人潦倒丹心日照慣與風霜傲

神仗兒丹墀進表丹墀進表為桑門祈禱碍先生正道弄得四方傳笑迎佛骨遍遊遨迎佛骨遍遊遨

滴溜子龍樓下龍樓下梵音海潮狂瀾起狂瀾起障來已倒歎此心惟天堪表待把涓埃答聖朝違時所好因此上干冒宸嚴曾不恕饒

入破第一念孩兒尚童穉孤立無依倚有誰來愛

憐恩庇感慈懷更縈繫骨肉臨岐但我翩翩孤鶴雲裏霧裏泛泛浮槎沒根沒蒂上丹梯早已致身福地不復人間戲大父母是天地紅塵外其樂隨意只念衰頽此去天南迢遞待牽衣小別今朝無端雪涕

破第二九重聖明問着安危計有大臣調劑何勞疎遠流涕况裴丞相朝中柱石方隆眷倚想事業中興一夔足矣

袞第三四大神州一塵裏與三教爭閑氣笑入王

出奴誰是非、還似戲、況把瘵窮養濟、王政難周、缺憾從教補裨、你自癡看後果、前因非難猜啞謎、歇拍此去此去、千鄉萬里、却早定數安排矣、留雪爪似鴻泥、若怕蠻烟、難道南荒無吏事、不齊否泰、循環榮枯是非、

啄木兒我中心正、秉氣高、薑桂森嚴、直到老、那些個便明哲、其身我這裏、其愚難到、畢竟立功立名、值多少、生心昧心、天知道、為甚的百鍊金鋼、一旦消、

前腔你看丹心照青史、標這就是萬載長生、真不老、等閒間、小節鏗鏗、振古來大義昭昭、今日裏正色立朝天、不照他日裏、就做商干楚屈、無哀禱、至竟來、一身無二道、

三段子此生本勞、仗丹心、人豪氣、豪那天本高、任孤征、山遙水遙、只歎你做官、依舊能潦倒、一生何日開懷抱、勸你及早歸來、却不是好、

歸朝歡垂鞭去、垂鞭去、朔風亂飄、吹笛的聲兒、漸杳、藍關外、藍關外、離愁怎澆、正不知九重天、何時

再朝古來仲尼孟軻難行道綱常世上多起倒免
不得獨自身將巨擔挑

荀灌娘

風馬兒小燕危巢不耐驚拈針線又重停鏡臺前
驀見旌旗影相看困坐無計慰椿庭

山桃紅則見雲梯衝競雉堞將傾是處兒風聲勁
害嬌娃受驚只道是夜月聞箏早都是登陴哭聲
苦我半世孤兩鬢星這場兒端的無後倖也就是
你望救邯鄲有信陵又那個能將命何來救兵只

歎的伯道無兒誰請纓

前腔恨孩兒不稱枉掌上看承違親命改裝便行
休念我路途梗休念我瘦伶仃就此撇下奴拋出
城去衝鋒只等的更兒靜也煞強如束手重圍併
命傾是那個能將命何來救兵且休嘆伯道無兒
莫請纓

前腔苦我花箋血映動他香火盟情只好說遭不
幸遣兒奔命只念你路途梗只念你瘦伶仃教我
望眼穿雨淚零送孩兒更自成孤另也還不知死

別生離是怎生、是那能將命、何來救兵、只嘆的
伯道無兒女、請纓

前腔那個圖形畫影、但須見景生情、此去權將命、
暫離定省、只慮你衰年景、只慮你坐愁城、虧着有
道義交生力、兵待兒家、慙與孤城病也、料急難能、
無見面情、是那個能將命、何來救兵、且休嘆伯道
無兒莫請纓

收尾相看淚眼空、悲哽、早、繼城暗度、三更、怎能殼
破鹵歸來、一笑迎

端正好、趨程途、無昏曉、據鞍心、扭斷織腰、便殘更
下馬人聲悄、也索向轅門報

滾繡毬、爲家爹代勞、命投奔、故交、早年間、本是無
兒伯道、却還有發旁枝、庶孽根、苗那裏有輔漢廷、
留候相貌、倒是個哭秦庭、七日申包、困孤城、難打
熬、似倒懸、須救早、我只得、屈身軀、代親哀、告難道
是我爹、行錯認賢豪、全不念、在原急、難良朋、少生
把香火、深盟、一旦拋、這的是、八拜之交、
伴讀書、這是你、做孩兒的、無材料、不是他、做父執

的不賢豪、既不能救、你形衰髦、倒不如一朝効死、
堦前好、反不能父子相持抱、只落得兩下相拋、
笑和尚、只要一千名、似虎虓、就是八百個、非嫌少、
料賊衆攻圍早、多應是此時疲、做了論兵法、貴乘
勞、但要怒騰騰、把先聲多、鼓張軍號、

叨叨令、痛圍城、早已無糧草、怎孩兒在此能、獨飽、
只要你牢拴緊、扣揚鞭、早星飛快、把雄兵調、我與
你馳檄去也麼哥、我與你射書去也麼哥、只說道
小將周郎、統領着梁州十萬的強兵到、

川撥掉齊奮、勇盡垂髻、盡垂髻、偏出跳、我和你火、
把連燒金鼓、齊敲、但顯得我兵來、不少驚得他、填
坑也、那又落壕、

七兄弟、那須用虎韜、豹韜、早賽過了、霍驃、姚便夾、
攻裏外、齊鵬、勦管教會、合在今朝、只怕你父子重、
逢、痛哭難成笑、

梅花酒呀、這一場難、打熬、誰知他老友、粧喬、倒是
這小友、賢豪、畢竟是兩個小兒、曹把一陣豺狼、冲
散了、定要擒將、劇賊馬前、梟叙功勳、心事表、那各

將種定是有根苗待太平筵上叙同袍却不羞殺
我女申包。

收江南呀這權宜行事忒蹊蹊只記得漢緹縈爲
父哭當朝又誰知木蘭娘也代父執弓刀說咱是
千里駒兒忒恁好早瞞過他不知牝牡的九方臯
煞尾從軍一樣男兒表鎮日裏並轡聯鑣但歸來
重整翠雲翹只教咱活現的觀音瞞不了。

葬金釵

一枝花歎沉寃十載埋一靈兒迸出黃泉罅猛見

那崩崖天際險怒河流徹夜浪淘沙月暗雲篩告
的這閻羅假咱本是繁臺第一花訴恩仇圓夢等
伊家又怕怯魂靈攏不到元戎他帳下。

生查子生怪睡龍神不放雷霆響一旦失其珠激
起波千丈。

梁州第七只聽他鼓三鼙嚴更令下轟雲空列戟
如麻呀呀呀趁陰風早悄立在旗門下想起俺承
恩御榻天上爲家宮壺漏永金屋瑤華呀呀救
邯鄲無端禍芽盜兵符生死爭差呀呀呀你不是

爲家邦怎肯將宿將手來搵。咱不是爲亡親、虧你將仇人來報下。咱怎肯鬼胡行、負了官家。噯情甘碎剛、這陰司裏幸未把神靈化。那轉輪王却也肯消停罷、等得你撞破秦關。今到家、魂夢嗟呀。牧羊關他正氣邪、難犯咱貞魂。死不差、還只爲守宮闈、避李嫌瓜。爲甚的燈暗無花、不由人寒毛冷。乍靜悄悄城頭鳴畫角、浙零零虎帳捲風沙。原來統三軍、警宵圓枕太卧虎。如雷怎近他。四塊玉他他他是四君中第一籌、是六國裏無雙。

價誰似他玉葉金枝貴、王家誰似他三千食客人。謙下誰似他顯威名、萬乘加動不動破。強秦直殺到函關下、則那狠秦王何曾敢正覷他。玄鶴鳴他他他看原嘗、猶如井蛙那胸懷義高天。下咱只爲父讐未報常、薪膽他便把那人頭一劍。手分花、熱淋漓提向墳頭掛。俺纔得剗心滴血哭、奠披麻俺纔得甘心瞑目去享繁華。他又不是做好尋人結識他、只教俺粉身碎骨報答還差。烏夜啼明知道事發時、鋼刀一把俺怎肯掇將來。

傾陷人家那顏恩幾死在鉗筆之下俺可也一身
自認甘休罷玉斧金槌碎剝分花吉丁嘴敲破咱
玉無瑕吉丁嘴敲破咱玉無瑕更殘骸拋散在洪
濤下到今日香魂無着信物誰拏

收尾這一會說不盡傷心話却不是索命冤家債
主家只可憐生前淚血沾羅帕若還念我負疚非
他萬苦無加却還有半股金釵跌落在開沙灘下
一江風熱心腸喫盡多魔障斷送人無量好淒涼
月暗魂遊驚起中軍帳今朝到大梁今朝到大梁

羈愁正感傷負娘行往事難回想

前腔那娘娘鈿盒中間放親手題封上不隄防神
鬼機藏扯個瞞天謊咱穿宮過那廂穿宮過那廂

他稍書瞞鴈行險些兒飛不出彌天網

刮鼓令他日夜勸王慮邯鄲唇齒邦幸喜得揚兵
西上奈怕強秦似虎狼仍袖手在邊旁俺怎生替
他千思萬想不怕潛通宮掖謗難當只拚一死爲
家邦

前腔你奇謀在錦囊奈風聲通永巷問起兵符何

處只拷逼宮娥齊受殃、頭一箇去承當、怎受得許多、
多、綳巴吊、撈有佳人義烈世無雙、把滿宮超豁一
身當、

前腔當初事反常、他爲我使心機、潛運掌他爲我
拚生冒死、負却君王恩愛長、他爲我刀劍上受鋒
鏖、說不出許多冤情、屈枉歎游魂、血污香難詳、只
有一盃澆奠向蒼茫、

前腔桃花去隨浪、送青春、恨渺茫、早則是沙蟲同
葬、那黃河萬里長、留不住、捲滄桑、有誰與他招魂
感愴、幾曾半盃澆涼漿、任孤魂、月上哭穹蒼、

大趂鼓他名花在上陽、脩承恩、寵雲想、衣裳金釵
折斷、誰承望、幸十年埋沒、尙堅剛、縱有憑依、你魂
在何方、

前腔長河倚太行、穹碑六字豎、向斜陽、他家讐國、
難將身攔、千年青塚土、猶香、只恐猿啼、還是斷腸、
收尾、轆門鼓、角聲悲壯、滿目山川、往事傷、說不盡
十載叢臺、客望鄉、

偷桃

普賢歌、人人說我慣偷桃、真比猿猴手段高、千年
做一遭、學偷先學跑、怕未到期時空喫拷、

前腔、瑤臺臺下守蟠桃、百尺竿頭接下梢、猿猴見
了逃、烏鳶去了巢、且醉倒園門圖一覺、

吳小四、眼高擡膽放開行程步、步挨划過岸兒星、
宿海竟爬崑崙頂上來、見園林好美哉、

前腔、聽瑤池宴又開家兄也、就來他扶上杖兒飛、
過海矮人觀場高坐臺、教你笑侏儒似耍孩、

搗練子、黃竹地、白雲天、閱人閱世不知年、一柱崑

崑崙外顯

孝順歌、成仙道、非避嫌、奈兒家、貌容還、少年七個

是男仙、一個女、嬋娟、諸非穩、便願侍、瑤堦埽、除花
殿、一片冰、心早離、李下瓜、田、

前腔、我一生、刀筆吏、如何敢、諱言、作過鬼、神奸、喫
過虎、狼錢、却事在、赦前、你看我、這樣形、骸恁般、偃

蹇、這半邊、人兒、算來、枉號、神仙、
鎖南枝、行天下、八駿全、誰為、駕車、誰執、鞭、怎知、閣

道、中間、讓與、王良、賤翻、留下方、莫見、憐望、娘娘、與

西廂記 卷一
周全見天公講情面

前腔笑仙真太無厭、果然冷來便永年、何得伊家
獨享、不如謝却羣仙罷去蟠桃宴、暫時破慳結世
緣、與我廣開園、做個大方便、

尾聲但一齊放下、無貪戀、敢信手拈來都是便、凡
世界卽是洞中天、

春夢婆

遶池遊、曉烟穿破、花裏將雛過、有緣人等閑拋躲、
檢點芳叢、證明仙課、笑春歸、繁華在也波、

黃鸞兒、春氣煖來呵、睡茶蘼到午、殢滿園香色門、
兒鎖舞高低、玉莎串來回、錦窩雙雙、向深叢躲、
奈情何、無端粉褪、昨夜宿花多、

前腔片片繞林阿、甚閑游、幾陣多、似曾相識、穿簾
過、卸霓裳、錦拖換、春衫綉羅、怕色香不上蓮華座、
強騰那風欺雨妬、聊綴小南柯、

喬八分舞衫歌扇、久成烟、彈指三生斷、後緣惟應
記取、別時言、夜深香靄、勤禮塔中仙、

二郎神、春將過、有倦客、天涯無那、問何事、南冠來、

萬里又幾度暮烟新火。笠屐圖中人更老。尙未了
多生業果空極目孤雲海角。一髮中原烟鎖。

前腔換頭真箇茫茫宦海幾番掀簸。鶻沒天低雲
外影。弦響處又無端虛墮。猶有文章節義在怎拚
得立朝選懦笑今日天涯夢繞觚稜。弔下忠魂一
箇。

集賢賓黃茅瘴裏生折磨任黑海翻波不照十分
昏暗鎖你記當初睡美南柯把青春夢做猛可地
魂飛湯火沒結果美前程一霎曉風吹過。

前腔翰林學士風月窩奈只幾日東坡早憂患隨
身無處躲你口頭禪畢竟無多聰明悞我怎脫得
利名韁鎖窮措大這一覺欠伸千個。

鶯啼序困人天氣生欠呵請倦眼揩摩怕黃梁熟
後空鍋你不曾睡裏降魔一謎價蒲團困坐只等
着暮鐘敲破捱不過耍棒喝當頭稍可。

前腔他無情風雨春恨多不堪回首南柯早知他
花有根科怎當得歲月蹉跎但美景送良辰賤過
看黃土變美人因果春去我一鳥花間誰和。

黃鶯兒我團扇受風和弄翩翩花影多海中也好
揚帆過送王孫淺莎趨佳人踏歌往來夢覺都輕
可儘延俄凌空起處只要口氣兒呵
簇御林香風散花雨多是慈航來普陀他翅兒解
脫了我瓢兒破早散却心頭火剩無多蝸牛角上
一個瘦東坡
尾聲我一身寵辱君恩大百感銷除無淚墮從今
後須信道蝴蝶莊周都不是我

西塞山

醉花陰一卧蒼江歲驚晚看世界滄桑虛幻紅塵
外白雲間醉到蒼顏夢不到朝天簡我便要倚棹
返蓬山莫遣那落花兒驚醉眼

喜遷鶯聽說曲江春泛看放龍舟手弄着潺湲垂
也麼竿聖情遙遠想着俺獨釣江邊隻影寒怎當
得酒宸翰并雙攜煖玉存問江干
出隊子人間天上倚蒹葭玉樹攀浼着你錦裝玉
琢下塵凡對着我子鶴妻梅老懶殘兀的不魚鳥
驚猜詫眼看

刮地風、峻呀、這是細雨滄波、一片帆、須不是畫舫、
雕欄、也不是龍池鳳沼、蓬萊泛、你濯滄浪、和咱水、
調潺潺、你倒香醪、扶咱醉態珊珊、你賣魚籃、可替
咱分勞、上岸你採荆薪、可替咱煮石供餐、想起來、
此一時、彼一時、早則舞闌歌散、你是錦鴛鴦、飛來
灘外灘、好傍虛舟、看那天、淡雲閑、

四門子、你看俺野、衣毛曾受君王盼、早則是脫樊
籠、放白鷗、你看俺冷芙蓉、不入時人眼、怎又來買
胭脂畫牡丹、你塵土下、髻毛斑、只爲你報君心、一

寸丹、任驅馳、何敢憚、正不知、要懸車、到甚日、還

水仙子、嘯長風、驟雨寒、嘯長風、驟雨寒、聽聽聽、聽

萬鼓濤聲、拍岸翻、是是是、是是是、恁麼鼓、鬣揚、鬣拔、海

山、敢敢敢、敢則、是戰元黃、過羣龍、追趨、早早早、早

做了、斷去、風箏、怎忍看、也也也、也、不免捲、篷梢、折

斷了、檣竿、便便便、便瀉空、了銀濤、萬頃、天邊、漢他

他他他、他是天、全處喜、懼雨、無干、

尾聲、客去、還同海鷗、泛去、烟波、萬里、無還、再休教
那問、津人、來過眼、

祭瀘江

點絳唇陽世人衰陰魔魑魍腥風灑血噴裙釵抵
多少緊那羅月字天狼怪

金瓏璫秋嶺帥旗高靖烟塵萬馬迴鑣一重重行
過鐵繩橋掀天波浪起阻軍鋒神鬼號陶何物更
興祆

絳都春鎮蠻天銅柱高標奈把長蛇還不識山神
貌不是他顯陰靈怒起波濤誰認的俺髻雲堆瘴
烟花草

混江龍火燒祆廟你要來火燒祆廟他血盆般口
吐的瘴雲高鬼哭神號帶領着陰兵十萬臨江哨
不由你不玉斧劃河橋一個個猛將軍都退倒敢
是他女王城餘怒氣難消是前生的胭脂虎豹是
後身的魂魄鴟鴞是九尾狐空林風艸是三足鼈
黑月波濤是禹王鼎也鑄不出他猙獰狀貌是軒
轅鏡也照不定他形影蹊蹺怒灑的風毛雨血朋
呼着木魅山魃舊鬼頭不去陰君點卯新鬼頭又
來白日興祆

又一體一個個身膏了野草一個個頭飲了鋼刀
赤律律魂騎着癩象走閃屍屍神聽着蒂鐘搖你
看那銀坑山錦帶山蛇盤山是處殘骸堆塚你看
那牂牁郡越雋郡永昌郡幾番剩壘蕭條又見那
朶思王烏戈王木鹿王亂紛紛拖刀落馬又見那
都梁洞帶來洞禿龍洞刮刺刺破卵空巢你把那
董荼那害的早你把那阿會喃困的牢你把那塔
郎旬屠其肝腦你把那突兀骨絕了根苗你把那
金環三結連營剿你把那藤甲千軍一把燒到今
朝尋仇索命都來到萬鬼舍冤怎地消你得勝的
汗馬功勞生還的旌旆逍遙你當初五十萬王師
來到看如今半年來有多少還朝畢竟烟銷何曾
增竈只爲你百忙裏心思未到一霎時斷送千條
你道效也不效囂也不囂這命兒何處討他魂兒
何處招那一日不煩冤到曉那一夜不鬼火紛拋
每到天陰雨濕添恹楚有影無形徹夜號知多少
雲來霧去雨嘯風跑把往來的行人斷渡更早晚
間癘氣傷苗料不住無情鵲血吹不散有恨胥濤

逗着他游魂渺渺認得你班馬蕭蕭他那裏隕身
碎首心難死你這裏有折戟沉砂鐵未消說甚麼
百神受職敢痛煞你一將賢勞

清江引歎兒郎束髮從征調無端為國捐軀早盼
家鄉萬里遙骨肉憑誰告空教我淚盈盃灑不遍
沙場草

夜行船壯士轅門慘不驕聽江心入夜波濤萬鬼
竄多七星燈小儘一片志誠祈告

浪淘沙一擊鼓兒高心血來潮過江風明滅閃蘭

膏你披髮猖狂何處也何處號陶呀何處號陶

前腔二擊鼓兒高風雨蕭騷漢將軍回馬到河橋

你陣上亡魂何處也幡影相招呀幡影相招

前腔三擊鼓兒高壯士提刀看幾人征戰得還朝

你的麟閣勲名何處也回首空勞呀回首空勞

前腔四擊鼓兒高月上荒郊照沙場斷箭折弓刀

你的骨肉音書何處也馬草誰包呀馬草誰包

前腔五擊鼓兒高漳水滔滔捲陰風慘澹帥旗飄

奠的桂酒椒漿何處也萬淚齊拋呀萬淚齊拋

駐馬聽 丞相壇高早望見丞相壇高聽他哭奠亡
軍如妣考咱蠻姑兒到寶珠瓔珞小身腰不辭歌
舞徹中宵早順風兒吹送過斷魂橋紙馬兒燒臨
波再聽咱淒涼調

沉醉東風弄烏烏排簫洞簫聽瑟瑟靈鼓靈鼗銷
他漢鬼愁侑的蠻魂飽只猿鶴沙蟲孤吊總是向
輪迴走一遭偏是你殘生誤了

前腔似驅羊刀頭怎逃慘游魚沸鼎相遭誰不是
貪生怕死人誰不是父母懷中抱併將來一命鴻

毛回望家鄉萬里遙血污了遊魂歸不到

前腔誰不想妻孥夢遙誰不想父母年高一家家
望夫石上號一個個思子臺前老到頭來有甚功
勞只落得無祀孤魂餒若熬燐火沙場蔓艸

前腔閃貔貅英靈未消委豺狼骸骨長拋誰將你
無辜白刃投誰知你至死丹心報聽空山銅鼓聲
高壯士長驅入漢朝情靈兒快赶上旌旗繚繞

清江引點旌竿遙見龍蛇裊橫戈立馬江邊艸哨
尖兒快招勳梢兒慢搖凱歌齊都應着羽扇中軍

號

五馬江兒水、吾奉天、威來討、羣蠻服的牢、看百靈
呵護簇擁還朝岸、綸巾羽扇、搖深入、不毛收了功
勞、驚起魚龍、偃卧水面、秋高金鼓回、繞金鼓回、繞
齊看吳鈎歡笑

清江引、捲天風、壓住江波小、投鞭齊渡軍、聲悄聽
夷歌、正高望蠻山、漸遙小、回頭早、不覺一棒鑼聲
到

前腔到朝堂、飲至策勲勞、受賀多箋表、太平筵宴

高旋帥還家笑、誰還想瘴江山、把殉國忠魂吊、
尾聲報國從來敢、憚勞但將軍、戰馬都難料、休看
得龍虎韜鈴容易了

凝碧池

浪淘沙、草滿玉勾斜、零落宮花、廣寒金色癩蝦蟆、
早是天邊行不得、地上爬沙

綉停針、只見的苑柳槎枒、石馬銅駝、卧淺莎、幾堆
馬糞金階下、空鎖着落日昏鴉、把一幅樓臺畫景、
顛倒列萬幕、平沙他酒酣試劍、湖山鏘歎、畫船歌

舞是誰家、又幾度夕陽西下、

前腔則爲着事起波查、歌舞方酣、戰鼓譁、潼關一
破番兒下、他早是愛着這風華、捲地起、漁陽塞馬、
不由你做沸鼎魚蝦、吞聲悲痛、難禁架聽、暗鳴血、
戰染袍花、有幾個完卵覆巢之下、

前腔則見驚起宮鴉、殺氣騰騰、晝禡牙、僞官降、將
穹廬下、一面的殺人如麻、一面的投鞭戲耍、生扮
出錦蚩尤、喬做官家、靠池臺、牛飲三千下、擺列着
笙歌全部奉承他、弄得個不歡而罷、

前腔笑罵由他、好一個白髮元戎、姜子牙、你殘生
再活也、只須與罷、誰料你主意兒難拏、好一個乖
巧的風流駙馬、難兄弟、定不爭差、只有咱樂工命、
賤無牽掛、怎省得貴人珍、重要身家、却是我、不達
時宜爲下、

下山虎、遇着了匹夫作、要管教你威武、無加、但有
口還能罵、有腸任剗、他那裏四面刀鎗、怒騰騰、萬
千軍馬、俺這裏粉碎琵琶、只一下、把賊威風倒了、
架、慘模糊、至死何曾怕、若講忠和孝、怎輪到他可

憐一命輕微殉國家

前腔是萇弘血化去，弔屈懷沙，聽潺潺壞道哀湍，
下更尋甚麼俠骨留香，虛舟飄瓦，只此地黑浪陰，
風怒捲沙，他英靈不是耍，雖則是冷池臺，往事差，
却不是閑說漁樵話，可憐見他敲碎琵琶片片花，
前腔，厠身卑下，不戴烏紗，名不在朝班掛，豈知道
他不讀詩書，更無虛假，怒起螳螂奮臂，加個個將
軍，不下馬，偏是你猛豺狼手，去抓，感得哀詔從天
下，壯哉可嘉，不負你血性淋漓大結瓜。

前腔，則俺椒房阿監，兩髻俱花，到池邊老淚交流，
下想來是差花萼樓頭，沉香亭下，一曲霓裳媚眼
花，如今看完盡是假，倒是蠢頭顱，沒點瑕，日月肝
腸挂有誰似他，不喫甜桃，喫苦瓜，
尾聲，敢說伶官傳裏人，低下則這秋草池邊一席，
話，抵多少千古英名博浪沙。

大蔥嶺

端正好，莽滔滔無休罷，閃的來滿目空華，猛回頭
向鷲峯之下，登對如來話。

滾綉毬只見那翠參差斷崖鑿空明水沙莫驚他
睡龍神瘖啞他靜養着無損無加俺不是那老波
斯幾年間面皺花這鐵楞楞一條禪杖錦翩翩半
臂袈裟照的俺虬髯倒捲臉生窪還是那碧眼威
光電水厓早不道來去也無差

叨叨令遍閻浮一雙白足閑游耍偶來息影忘冬
夏香消一炷無僧話你怪他鵲巢肩上茅生罅兀
的不是活如來也麼哥兀的不是生菩薩也麼哥
可不道木雕泥塑的原非假

倘秀才往世裏一絲不掛後世裏一塵不怕省可
的隔着靴兒將癢抓須信道真實相本無加一齊
拋下

滾綉毬那的是無心兒別了咱却有緣兒留下他
須不是陽孤陰寡就分別去還合攏無差這的是
趨前程便棄了他却回頭還認是咱恰正好單提
直下敢大踏步將禪杖來又俺本是獨來獨往三
千界管教你不二門中二便加是一還差
白鶴子你向少林山寺裏壁上去尋查只是俺迎

面本無人枉教你捫壁全無罅

么篇口兒裏成話靶、意見兒裏起波渣、問誰個迴光返照認真如、我要將三車貝葉都燒化、

耍孩兒兀的那充饑餅子、徒然畫究竟有何堪把、只從舌上吐蓮花、怎知何處生芽、那楞伽百問空、留下似飛去、蜂兒剩蜜渣、真和假、有了那馱經白馬、就有那燒佛丹霞、

煞取來沒字經、拈來微笑花、肯還三宿留桑下、那空山老宿年年任、俺古竺先生處處家、安心下、千

山萬水普照恒沙

尾聲立懸崖撒手下、山河踏破了雙鳧化、直向靈山歸去罷

罷宴

粉蝶兒白髮青裙、畫堂前尙蒙恩養、想當初獨伴孤孀、今日個受黃封、膺紫誥、偌大風光、怎知道孟母先亡、倒是咱賤殘生、趑着他暮年安享、

上小樓清閑一向、幸衰髻依然無恙、看到他貴子賢孫、蘭桂齊芳、春滿華堂、只笑我靠糟床、聞酒香、

便喉嚨搔癢。這是俺女劉伶半邊也。那風樣
么篇穩不任齊眉拄杖。猛將咱玉山頽放。不是他
歌舞連宵。怎蠟淚千行。堆徧迴廊。滑溜溜扒的忙。
跌的慌。幾乎把老身停當。咱正要借因由去。把那
舊情來講。

滿庭芳。想當初娘兒相向。他挑燈伴讀。落葉寒窻。
那有餘輝。東壁分光亮。單仗着十指縫裳。繼膏油。
叫你讀書朗朗。拈針線。見他珠淚雙雙。真恁愴。到
如今。怎金蓮銀炬。照不見你憔悴老萱堂。

快活三。不由人遇繁華。更慘傷。不由人提往事。獨
淒涼。也只爲小來看戲。感恩長。剩今生頭白還相
傍。

朝天子。撫孤兒。暗傷代先人義方。爲延師。盡把釵
梳當。只要你成名不負十年窻。倚定門閭望。怎知
他獨自支當。可也背地糟糠。要你男兒志。四方又
怕你在那廂。我在這廂。眼巴巴到你學成一舉
登金榜。

四邊靜他身。先黃壤。博得你富貴。夫妻同受享。您

如今縱金玉滿堂、熱騰騰親捧着、三牲養、焦羹香、酒香也滴不到泉臺上。

耍孩兒你眼穿、但把孩兒望、怎知道臨去也、莫話、裏腸只這一幅舊形相、費他無限思量、則爲你小來心性無拘檢、反着我、秃尾烏鴉教、鳳凰你開圖、像看這般儀容蕭瑟、怎禁得仔細端詳。

五煞則是你受君恩、恩可酬、受親恩、親已亡、故園攀柏真堪愴、早知道鼎鐘不逮團圓日、反不如菽水親供田舍郎、你休回想、今日個朱門酒肉當日

個白髮糟糠

四煞一霎時喜宴開、一霎時怒氣張、歡娛煩惱都勞攘、他那裏亡親骨冷荒郊草、你這裏貴子笙歌畫錦堂、怎不成悲愴、親在日受不起你菜衣半綵、親亡後消不盡那介酒千觴。

三煞他做慈親願已酬、他撫孤兒名已揚、一重重紫泥封誥來天上、雖則你含悲捧土情難塞、早知他含笑歸泉恨已忘、人長往、畢竟是顯揚爲大吏、何如忠孝成雙。

二煞淨瓶兒佛座前繡幡兒慈位傍看源頭一滴
楊枝上早知他塵根淨處無磨劫只怕你鐘磬聲
中帶慘傷空悲仰千鍾粟盛來齋鉢一品衣披在
靈床

一煞你則爲念微勞注意深感慈親遺愛長恩波
似酒俱無量不嫌我趨承不入時人隊不嫌我老
朽無知醉後狂還只是含悲向他拋我似遺簪棄
寫你憐我知物在人亡

煞尾看家雞還繞廊看飛雛便遠颺問人生誰沒

有娘親想怎到頭來偏是那有祿的人兒不逮養

翠微亭

鬪鶴鷄百戰歸休湖山舊偶顧盼逍遙精神抖擻
野水一篙長堤萬柳今日遊明日遊請問夫人所
藏斗酒

紫花兒序我這裏藏之已久不時需無待他求好
相將與子同遊飄然一棹菡萏芳洲回頭想桴鼓
親援駕海舟裙釵甲冑一笑歸來吩咐東流
天紗淨獨遊更此同遊我有獻酬風月扁舟你有

灑掃湖山、做帚如賓如友、到綠陰深處、勾留、
調笑令、颼颼一亭幽、看四面千章萬个稠、翠濤如、
幄蟬聲漱、這不是故將軍營邊、細柳恰宜、就此飲、
一斗、請開懷對酒當謳、

小桃紅、吳儂水調唱歌頭、船到三义口、獨木橋邊、
看人走、替人愁、放船自到中心溜、帆兒快收、柁兒
穩守、邊岸放心頭、

鬼三台、漁舡上漁翁瘦、漁婆醜、却雙雙到頭、晝晒
網、夜眠鷗、享水清山秀、趁斜風細雨兒垂釣、釣看

朝炊晚烟兒起、舵樓這一個補綻縫裳、那一個上
厓沽酒、

禿斯兒、俺宮觀使、青山白頭、他背嵬軍、雨散星流、
中興將佐、那時門下走、今日裏種瓜侯、全休丟手、
聖藥王、風自流水自流、浩歌流到小亭休、梅也幽、
鶴也幽、梅妻鶴子共虛舟、澹蕩是吾儔、

東原樂、青山瘦、淨土幽、一角飛來自靈鷲、我怪他
冷泉源、却向熱處流、歌舞地忘回首、問誰個把法、
華叅透、

編搭絮你綸巾瀟灑捨却談笑封侯俺綉旗招展
拋却帷幄持籌西子同歸范蠡舟對水月觀音海
一漚皈依處待繡個寶蓋長幡夫妻在上頭

收尾休辜負春秋九則今日白萍紅藕甚麼的
事業半天雲樂得個夫妻一罇酒



